



41)

**Anschlag wider die grausa-**  
**men vnd blütdürstigen Tyranny des Tür-**  
 gken / durch welchen bisher vil Christen blüts vergossen / sampe  
 Land vnd lewren beschädigt vnd verderbet worden.  
 M. D. XXXXI.



Colour Chart #13

**I**tem diser anschlag ist wider den Türcken gemacht/ vnd alle die wider den Christlichen glauben seind/ Als man gerechnet hat/ wiewil Clöster inn der ganzen Christenhaye seind/ Nämlich gerecht des groben Ordens seind xxxvj. tausend.

Item weyter setze ich/ das der Prediger/ Fräuwensbrüder/ Augustiner/ auch zühaußen seind wol bey 36. tausend.

Item/ Nun setze ich das all ander Clöster vnd Orden/ deren vil inn der Christenheit seind/ als Teütsche/ Johanniter/ Benedicter/ Bernhardiner/ Schotten/ Pauliner vnd Cartheuser/ auch auff xxxvj. tausent.

Item nun setze ich auch alle Stiffe/ vnd halbe stiffe/ frawen vnd Junckfräw clöster/ auch auff 36. tausent.

Nun sprich ich/ wañ yedes Closter ein Man gebe/ so macht es inn einer Summa/ hundert tausent vnd plüß. tausend Man.

Weyter setze ich dargegen/ Als manich Closter vnd Orden/ ist allweg zwo Pfarckirchen inn der Christenheit/ die machend zwey mal hundert tausent vnd acht vnd achzig tausent Pfarckirchen/ vnd auß jeglicher Pfarckirchen ein man/ das macht inn Summa zwey mal hundert tausent vnd lxxxvij. tausent Man.

Summa thüt alles Clöster vnd die Pfarckirchen züsamen/ vier mal hundert tausent/ vnd xxxij. tausent Man.

Item nun will ich setzen/ wie man dem Türcken ein widerstand thon möchte mit volck/ das zu kriegen vnd zu streyten tauglich vnd gewonlich were/ Wañ ein jeglich man/ arm od reich/ ein beschwerdnuß hette/ vñ nit gewont ist zü ligen im Felde/ vnd seines leybs vnd güts besorget

beforget / Auff das solchem fürkommen möchte werden in  
der Christenheyt / vnd ein geleyche bürde getragen wür  
de vnder Gaystlichen vnd Wellichen / habe ich auff  
verbesserung vber schlagē einen wochē Pfening zū gebe.

Item nun setze ich für dz erste die Clöster vnd Ordē /  
das ein ierlich Closter in hatt.  $\text{xxx}$ . Gaistlich / vnd  $\text{xxx}$   
Wellich Personē / die zūm heyligē Sacrament geen /  
wan yetliche Person geb alle wochē  $\text{j}$ . Pfening / macht  
einem yetlichen Closter alle wochen  $\text{xxx}$ . pfening / were  
einem Closter  $\text{x}$ . wochen ein Ungerischer Gulden / vnd  
das machet alle wochen der Klöster /  $\text{viii}$  tausent / vnd  
 $\text{iiij}$ . hundert Ungerisch Gulden / vñ machet inn Sumē  
ein Jar /  $\text{vi}$ . mal hundert tausent vñ  $\text{xxxviii}$ . tausent  
 $\text{viij}$ . hundert Ungerische Gulden.

Nun setze ich auch Klein vñ grosse Pfarr Kirchē eine  
in die ander zū hilff / dz sy habē  $\text{iiij}$ . hundert menschen so  
geen zū dem heyligen Sacrament / wan in einer mer ist  
dan in der andern / vnd wan ein yetlicher Mensch alle  
wochen gebe  $\text{j}$ . Pfening / machet  $\text{j}$ . wochen  $\text{iiij}$  mal hun  
dert tausent  $\text{lxviii}$  tausent Ungerisch gulden / das macht  $\text{j}$ .  
Jar  $\text{lxviii}$ . Milion vnd  $\text{viij}$ . hundert mal tausent  $\text{xx}$ .  
tausent Ungerische Gulden.

Summa summarum der Klöster Pfarr Kirchen groß  
vnd Klein / zūsamē gerechnet machet  $\text{j}$ . Jar / so vo den  
wochē pfening möchte kumē  $\text{lxviii}$  milion  $\text{iiij}$ . mal hun  
dert tausent  $\text{lxviii}$  tausent vñ  $\text{dccc}$ . Ungerische gulden.

Sunder aller hilff vnd steuer der großmechtigen  
Fürsten vñ Herrē / auch ander frummer leüt beyde geyst  
lich vnd Wellich / Man vnd frawen / was dise steuer  
A ij machen

machten vber dē wochenpfening gebē / ist nit zū rechnē.

Auch solt man der Juden nicht vergessen thon / 8 vil  
sind in der Christenheit / vñ sie schätzen nach rath. Ray.  
May. vñ des heiligen Reichs Rāthe / solchs wurd auch  
ein grosse summa mit sich bringen.

Nun hab ich gerechnet wievil Kriegs volcks zū Ros  
vnd zū füss gehalten möchte werden / von dem wochen  
pfening / sonder on ander frummer leüt hilff / auch ausser  
halb der Juden / wann man ein Reüter all wochen ij.  
vngerisch gulden geb / vnd zū füss einem ein vngerischen  
gulden / so mecht man halten mit dem wochen pfening  
zū Ros hundert tausent / xxiiij. tausent vñ viij. hundert  
Vnd zū füss auch hundert tausent / xxiiij. tausent vñ  
viij. hundert / versoldte leüt.

Summa summarum macht zū Ros vnd füss / zwey mal  
hundert tausent / neün vnd vierzig tausent / sechs hun  
dert versoldter mann.

So möchte es auch thün ein yetlicher Fürst vnd herz  
geßlich vnd weltlich / inn seinen Steten vnd gepietē  
erwölen Haupteüte vñ Kriegs volck / vnd auffnehmen /  
vnd eynem yetlichen seinen sold zū geben.

Dañ solt man auß dē gmainen volck schieken an den  
Türcken / als von hantwercks leüten / von geystlichen  
vnd weltlichen / gedächt ein jeder wider hinder sich heim  
an sein weib vñ vñ Kinder / vñd were auch des hartent  
legers zū feld nit gewont / als hunger / durst / kelt / vñ hitz  
zū leyden / das die Kriegsleüt leiden vñ gedulden müssen  
vnd gewondt haben / Dann er weyst / dz er daruñ sein  
sold nimbt / vnd zūwertmeyden die vneyngkēyt dye vñ  
ber dem gemeinen Mann ist / Dann ein yetlicher Kriegs  
mann

maner sei zu Ross oder Fuß / müß er seinem obersten o  
der Hauptmann gehorsam sein.

Vnd wann ein solcher anschlag vnd ordnung ein für  
gang solt haben / So solte ein yetlicher hauswirt vnd  
wirten / bey iren eyden schwerenn sy weren gaystlich od  
wellich / edel oder vnedel / niemant außgenommen / weder  
Priester / Pfarrer jeder seinē diener & dan zum Sacra  
ment geet / seinen wochenpfeining dargeben / vnd solche  
wochenpfeining solt man inen an irem jarlon abschla  
gen.

Auch solt ein solch gelt geraicht vndgeben werden an  
die end / da man das hinbescheyden wurde / bey eynet  
peen vnd püß so darauff gesetzet wurde.

Auff solchen anschlag des Türcken / gehört / ein eynt  
Keyt der Fürsten des Keychs vnd gangzer Christenheyt /  
Auch ein richtige müntz von Gold vnd silber / also das  
der Vngerisch vñ Keynisch gulden mit ein ander con  
cordieren / Vñ v. Keynisch gulden so gut als iij. Vnge  
risch gulden oder ducaten.

Auch darbey ein sylbrene müntze als Groschen oder  
kreüzger / zweyer vnd pfeiningen / das dan gieng in allen  
landen / das ein jeder möchte wandlen vñ handeln / on  
verlust der müntze. Sunst müste der Vngerisch gulde  
oder Ducat halten .xxiiij. grad / so solten die Keynische  
Guldin halten xix. gradt.

Item so müst der groschen halten ix. Lot fein Sil  
bers / vñ müste hundert auff ein Wiener marc gon / ab  
er & gröst müst halten viij. lot fein silbers vñ xxi. auff ein  
Wiener marc gon / so wurde er deffer besser / vñ vord  
dan ein grosch als schwer als iij. kreüzger / so solle die kreüz  
A iij er halten

erhalten viij. lot feyn silbers vnd auch xvij. lot/also we-  
gen iij. kreuzer j. groschen/das soll Wiener gewicht sein.

So solten die zweyer halten vj. lot fein silber // marc  
Wiener gewicht/ vnd sollen xxxvj. auff ein lot gon/so  
Kömen oder werden/xxx. groschen für eyn ungerischen  
gulden oder Ducaten/vnd xx. groschen für ein Keyni-  
schen Kurfürsten gulden/das were v. Keynisch gulden  
für vier ungerische gulden.

Vnd 8 grosch solt gelten xij. pfenning oder vj. zweyer/  
vnd der kreuzer iij. pfenning oder ij. zweyer/Das wer  
gleich drey kreuzer für einen groschen/vnd auch were  
gleich lxxx. kreuzer für einen ungerischen gulden/oder  
der Ducaten/Vnd were in Osterreich/Bayrn/Steir/  
marck/Krain vñ Kerdenn/x. schilling pfenning für  
ein ungerischen Ducaten/vnd auch für ein Keynische  
Gulden/der selben acht schilling pfenning/iij. schilling  
zweyer.

So möcht man den groschem als weye das Heilige  
Römische Keych ist/eynem gemeinen Mann geben/in  
den setzen nach dem der Kauffmann dann mit solchem  
groschen nemen/ Schilling in gold als xxx. schilling in  
Gold für ein ungerischen gulden/ vnd xx. Schilling in  
gold/für ein Keynischen Kurfürster gulden/ vnd eyn  
Schilling in gold/für xij. pfenning oder wie man dann  
die selbigen nemen würde.

Also möcht solch gelt so weit gehen/als Teütsch vnd  
Welschland/sonder in dem Heiligen Römischen reich/  
Vnd aller Fürstenthümer.

Auch were sollich silbren münz groschen/ kreuzer/  
zweyer/

Zweyer/pfeining/yetlich nach fruttier wurde des gulde/  
es weren Vngerische Ducate oder Keimisch gulde /d es  
gleych die gulde /des gelts wert in allen Fürstencumen.

Vnd wañ solcher anschlag geschehe vñ ein fürgang  
gewunne/in der Christenheyt /als weit der heilig glaub  
reichē würde/es trüge ein merckliche summa gelts/damit  
die Christēheyt beschwert wurde /wiewol es einem ye-  
den arm vnd reich /geystlich vnd weltlichen /wol zū ley-  
den vnd zū dulden ist.

Nun setze ich das solch geldt wider in gemeynschafft  
der Christenheit möcht kōmen vnd gebracht werden/  
vnd die Christenheyt sampt dē gelandē damit gesterckē  
würde/müß ein gemeyn frid gemacht werden.

Wañ dan also ein gemeyn frid in der Christenheit  
were /so wurden dardurch aller Fürsten Zol gemehret  
vnd gebessert /inn allen landē mit aller hantierung/  
zū zūfūren dem Christlichen heere.

Auch so wurden die Wirt vnd gast geben gebessert  
mit zerunge /auch der ackerman vnd Metzger /vñ der  
Vischer mit sampt dem becken /der Weinschenck / vnd  
das vngelt der Fürsten /vnd der Stette /vnd noch vil  
andere /die durch die würde /r narung haben möchten.

Auch würdē alle hantwerker /Kaufflewt dardurch  
gebessert /als schüchmacher /schneyder /wollenweber /  
leynenweber /schmid /platner /vñ wñ dergleichen sind /  
die alle der Christenheyt würdē nach volge /vñ zūfūren  
auß allen landen /r narung zūsuchen von ein lande zū  
dem andern. Also das solich geldt oder wochen pfeining  
hinder sich tregt /in die gemeynheyt /oder Christenheyt  
vnd



vnd darzu w3 von gold/sylber vnd güte dē Türcken ab-  
gwinē würd/ gienge alles wid d̄ Christenheit haim/Al-  
so das ein yed seines wochen pfennings wider ein möcht  
kommen vnd gewinnen/er wer Fürst oder Herr/ Edel  
oder vnedel/ Geystlich oder weltlich/ Handwerker  
oder bauwerfman/ niemandt außgenommen/ Vnd mö-  
chte dan ein Land dem andern dienen mit allerhand  
chierung vnd nahrung/ Einer hec tuch/ der ein bau-  
er leinwadt/ der ander eysen vnd stabel/ einer Kupffer  
Salpeter/saltz/brod/gewürz/Wein/getrayd vnd an-  
der specerey/darvon vil zūschreyben were/ das von ey-  
nem Land inn das ander gefürt würde.

Vnd also möchte die haylige Christenheit widerum  
zunemen/das sie on schaden vnd mit gutem rath Gott  
dem Allmächtigen zū lob vnd eeren/solliche Wüteriche  
die dann wider den Christlichen glauben seind/wider-  
stand zūthon/mit grossen eeren/ohn schaden manig-  
lich.

Vnd durch solches möchten alle Länder widerumb  
zunemen/inn Geystlichem vnd weltlichem stand/die  
dann yetz der Türck nun verwüst vnd zerstöret hat/  
vnd wider zū dem hayligen Christlichen glauben ge-  
bracht werden/Gott zū lob vnd zū eeren/Vnd ich hoffe  
zū Gott/er werde sein Götliche genad darzu geben/das  
wir der Türcken länder zū dem hayligen Christlichen  
glauben bringen mögen/Alsdann der Türck vns ger-  
ne thet/vnd darnach gedenckt/wie er alle Christen an-  
lieff/vnd se gut verderbt/vnd vnder sein gewalt brä-  
chte/vnd vnglauben/Wir zweyffle nit/Gott würde  
vns Christen stercken/mit seiner Götlichen genad.

Weyter

Weyter ein anschlag/wann auch von tausende mens-  
schen in einem gangen Jar/zehen gulden zu steuer geb/  
uber den wochen pfening/das machte ein Jar in einer  
Summen/zway mal hundert tausend drey vnd dreyss-  
sig tausend vnd zway hundert gulden.

Item wann auch ein yegliche PfarKirchen/sie wer  
Klein oder gross/ye eine der andern zu hilff wolte geben  
uber den wochen pfening alle Jar funff gulden/mach-  
et ein Jar in Summa/achzehen mal hundert taus-  
sende gulden.

## Anschlag von dem Ge- schütze/Wie hienach folget.

Item wann auch ein yeglicher Fürst/Herz vnd  
Statt/zu solchem Zug vnd anschlag/ ein güte Püch-  
sen oder Schlangen darzu gebe/nach yedes Herrn vnd  
Statt vermögens/das dann einem yeglichen on schas-  
den sein möchte/das rechnet man dann wol auß/wie vil  
Püchssen on schaden der Christenheit vnd gemaynem  
Wann/auff den Türcken gebracht möchte werden.

Weyter/ So man sollich anschleg vnd zuge volstär-  
ken wolte/müste man solliches Volet thaylen in fünff  
thail/das were in jeglichem tail l. tausent Mann/ vnd  
auch so müste man nicht auff einem hauffen auff den  
Türcken ziehen/als sie dann auff vns thun/Sondern  
an v. enden oder orten/an yerlichen enden fürnemen/  
Als ij. oder xv. meyl lang/Was landes sie verstor oder  
B vndrer


vnder sie gebracht hetten/Solliches wider vnder vnser hand zübringen/vnd zübesetzen/vnnd zübewahren mit Christen lehren/vnd dann schnell fürgenommens wie vor. Wann dann der Türck sollichem zug wehrens wolte/so müste er zü den Christen ziehen/vnnd die do haym süchenn/So möchten die Christen sich als dann stercken von einem ende zü dem andern/vnd hetten also einen grossen vorthail/Das er sie also inn irer weyten süchen müste/vnd wir in nit.

Begert aber der Türck einen streyt/vnd sich mit den Christen züschlahen/so hetten wir die ganzen Christenhait hinder vns/Dann möchte ein yeglicher frommer Christ/vnsern zü hilff vnd zü trost kommen/Vnd wer dann die trefflichst Ritterschafft haben wolte/der möchte sie dann mit seinem creutz süchen.

Auch so hetten wir Christen dann einen grossen vorthail/das der Türck vns zü solchem streyt daheim süchen müste/ Mit solchem krieg vnd anschlag/wurd man dem Türcken/alle die in dem Christlichen glawben gewest weren/solliche dann widerumb abdringen/vnnd zwingen/das sie sich vnderthanig machten/Gott dem Almächtigen/vnd der Christenhait/Vnd war zü man sie haben wolte on Christlichen schaden/wurden sie ohn zweyffel willig vnd gehorsam sein.

So wir aber mit sollichem volck den Türcken süchen/ als er thüt/ möchte leichtlich die Christenhait gross mercklichenn schaden empfangenn/Darumb güte were vnnd seer hoch von nöthen/das wir mit solchem sanfftemüdtigen wesen vnnd demüdtigen hertzen Gott den Almächtigen

mehrigen in glaubwürdiger erkantnis anrufften. Auf  
das er vns zū solchem anschlag/sein götliche gnad  
vnd barmhertzig keit zū güt verleihen wolte/  
dann wolten wir inn kurzen Jaren/dz  
Hailig grab mit sampt dē Türcki  
schē hūd in kürz zū vns bringē/  
Auf das wir alle wurden ein  
Schaffstal/ darzū helfff  
vns Gott allen A  
men.



Faint, illegible text at the top of the page, possibly a title or header.

Several lines of faint, illegible text in the upper middle section of the page.

The remainder of the page contains very faint, illegible text, likely bleed-through from the reverse side of the leaf.